

67. sjednica Predstavničkog doma Parlamentarne skupštine BiH

Tačka 3: Razmatranje Informacije predsjedavajućeg Vijeća ministara BiH o posljedicama prirodne nesreće u Bosni i Hercegovini

PRIJEDLOG ZAKLJUČAKA

1. Predstavnički dom upućuje izraze saučešća porodicama nastradalih tokom prirodne nesreće u BiH.
2. Predstavnički dom izražava zahvalnost svim pojedincima, organizacijama i institucijama koje su za vrijeme prirodne nesreće pomagali ugroženom stanovništvu.
3. Predstavnički dom iskazuje posebnu zahvalnost stranim državljanima, međunarodnim organizacijama i institucijama koje su pružile i pružaju pomoć saniranju posljedica prirodne katastrofe u BiH.
4. Predstavnički dom poziva sve političke snage u državi da se upotpunosti okrenu radu u institucijama sistema, koje u ovim teškim vremenima moraju biti posebno stavljene u službu obnove poplavom i klizištima opustošene zemlje.
5. Predstavnički dom poziva sve nivoe vlasti u BiH da urade rebalanse budžeta koji će preusmjeriti što je moguće više iznosa sredstava u funkciju obnove države.
6. Predstavnički dom poziva Evropsku uniju da iskaže solidarnost i razumijevanje prema BiH koju je pogodila do sada nezapamćena prirodna nesreća, te da BiH u procesu pružanja pomoći tretira kao državu sa kandidatskim statusom.
7. Predstavnički dom podržava nastojanja da se u što skorije vrijeme organizira međunarodna donatorska konferencija za obnovu područja pogođenih prirodnom nesrećom i u tom smislu daje podršku Ministarstvu vanjskih poslova BiH i drugim ministarstvima da nastave pregovore sa brojnim međunarodnim institucijama s ciljem pripreme navedene konferencije.

8. Predstavnički dom traži od Vijeća ministara da najkasnije u roku od 30 dana sačini i dostavi informaciju o slučajevima neosnovanog podizanja cijena, naročito osnovnih životnih namirnica i sanitarnih potrepština, za vrijeme prirodne nesreće u BiH, kao i o preduzetim mjerama nadležnih organa vlasti.
9. Predstavnički dom traži od nadležnih organa vlasti da ne remeteći sigurnosne procedure pojednostave proces dopremanja humanitarne pomoći za građane ugroženih područja i otklone birokratske probleme koji se pojavljuju tokom njenog dopremanja iz inozemstva.
10. Predstavnički dom posebno pohvaljuje angažman Oružanih snaga BiH na odlučnosti i hrabrosti iskazanoj u akcijama evakuacije i spašavanja stanovništva iz najugroženijih područja.
11. Predstavnički dom poziva sve nivoe vlasti u BiH da tokom zbrinjavanja stanovništva, pored ostalog, posebno obrate pažnju na potrebu nabavke sljedećih stavki:
 - pumpe velikog kapaciteta za ispumpavanje, male pumpe (prenosne) i isušivači,
 - lijekovi za ljude (različite namjene),
 - lijekovi za domaće životinje (različite namjene),
 - hemikalije, oprema za DDD i higijenska sredstva,
 - hrana za domaće životinje,
 - adekvatna (namjenska) vozila za transport lešina uginulih životinja,
 - gorivo za radnu i transportnu mehanizaciju,
 - gorivo za letjelice za zaprašivanje,
 - žitarice za ishranu kao i sjemenski poljoprivredni materijal (sjemenje kukuruza, pšenice i dr. žitarica).

S poštovanjem,

Poslanik SDP BiH
dr. Denis Bećirović